

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Epistolarvm [epistolarum] D. Philippi Melanchthonis  
Farrago**

**Melanchthon, Philipp**

**Basileae, 1565**

**VD16 -M3220**

Cuidam amico

[urn:nbn:de:bsz:31-312770](#)

cum aduersarij talibus decretis ostendunt se esse hostes Ecclesiæ Dei. Editurus sum refutationem, Deo iuuante. Scripsi filio: et mitterem ipse Homerum, si in oppido nostro essem. ac mittam quamprimum rediero domum. Pro pomis ago tibi gratias. De maledictis, de quibus scripsisti, nuper tibi significavi me nolle rixas publicas augere. Clarissimis uiris domino Cancellario, et domino Gregorio, et collegæ tuo salutem opto: meq; eis commendato. Bene uale, & Martij.

Philippus Melanchthon,

Cuidam amico

III, 69.

Luther.

S. D. Literæ tue, in quibus de nostro silentio quereris, magno nos dolore affecerunt. Scripsimus enim satis copiose singulis septimanis: sed nescio quo fato accedat hoc malum ad acerbissimas miseriasq; curas, in quibus hic uersanur, ut culpā contrahere iudicemus, quo minus ad nos scribas. Cæsar satis benignè salutat nostrum Principem: ac uelim uicissim nostros erga ipsum officiosores esse. Ea de re utinam iuniorem principem nostrum literis admoneres. Nihil Cæsare mitius habet ipsius aquila. Reliqui omnes crudelissime nos oderunt. Eui his diebus apud Saltzburensem, qui me bene longa et rhetorica commemoratione cruciavit omnium momentum, qui his annis extiterunt: adscribit nobis omnia

nigra

nia hæc incommoda. addebat epilogum planè sanguine scriptum. Hodie primum, quod felix & faveum sit, exhibebuntur nostræ confessionis articuli. Nam hactenus omne tempus consumptum est in proœmisi conuentus, in propositione & commemoratione malorum publicorum. Romæ soluto Bononiensi conuentu, quædam mula peperit, & partus habuit pedes gruis. Vides significari exitum Romæ per schismata. Landgrauius probat nostram confessionem, & subscripsit. Multum proficies, ut spero, si tuis literis confirmabis eum. Brentius aſſidebat hæc scribēti, unā lachrymans: is iubebat tibi adscribi salutem. Vale felicissime. Postridie Ioannis baptiste.

Philippus Melanchthon.

Reuerendo uiro, D. Georgio Burcholtzero, fratri suo charissimo,

S. D. Reuerende uir, & charissime frater. Vellem me posse prolixè scribere, ac potius coram colloqui. Misera Dux Prussiae confessionis capita, de tota doctrina: sed scripti ei, ne ederet suā illam formam, quia fortassis paritura esset disputationes nouas. Sed ut contentus esset Brentiana declaratione hic edita. Id consilium tunc placuit Principi. Nunc audio ad uos missam esse confessionem illam: fortassis